

Poštovani,

čast i zadovoljstvo nam je uputiti Vam

POZIVNICU

da posjetite

1. Međunarodni sajam Šumarstva i šumarskih strojeva

„LIGNUM EXPO – LEB 2022“

*koji će se održati u Gradačcu, Bosna i Hercegovina,
u periodu od 26. do 28. maja/ svibnja 2022. godine.*

ZAŠTO BOSNA I HERCEGOVINA I GRADAČAC?

Bosna i Hercegovina je zemlja sa najvećim udjelom šume i najvećom raznolikošću šumskih vrsta na zapadnom Balkanu. Zbog svoje prirodne i raznolike strukture, kao i značajne prirodne regeneracije, one predstavljaju ključni resurs za dalji razvoj privrede i društva. S toga, Bosna i Hercegovina predstavlja idealno područje za organiziranje Međunarodnog sajma šumarstva i šumarskih strojeva „LIGNUM EXPO – LEB 2022“. Gradačac kao bosanskohercegovački grad sa svojom višedecenijskom sajamskom tradicijom, zbog svog izuzetnog geografskog položaja, idealno je mjesto za organiziranje jednog ovakvog specijalističkog sajma.

TKO JE „ORGANIZATOR SAJMA“?

Organizator sajma je “Lignum biomasa” d.o.o. Gradačac, privredni subjekt sa sjedištem u Gradačcu, Bosna i Hercegovina, od 2019. godine. „Lignum biomasa“ d.o.o. Gradačac prvenstveno se bavi proizvodnjom drvne sječke kao biomase. Posluje sa javnim i privatnim kompanijama na čitavom području Bosne i Hercegovine koje posjeduju drvne sortimente, te koje za svoje pogone koriste drvenu sječku kao energent, ili kao sirovinu za vlastiti finalni proizvod.

Kroz svoj rad uočili smo nekoliko potvrđenih činjenica koje nam daju uporište za organiziranje jednog ovakvog sajma: Bosna i Hercegovina obiluje šumama; Strojevi sa kojima rade djelatnici u šumarskoj i inače drvnoj industriji ne prate trendove razvoja; Promocija obnovljivih izvora energije, posebno biomase; Promocija i podizanje svijesti o bitnosti zaštite čovjekove okoline kroz korištenje obnovljivih izvora energije; Nepostojanje ovakvih i sličnih manifestacija na području jugoistočne Europe; U Bosni i Hercegovini ne postoji ovakva specijalizovana manifestacija, tako da nema ni konkurencije. Osim navedenog, smatramo i da je, kako bosanskohercegovačkom, tako i šumarskom sektoru regiona, nužno promovisati nove i moderne trendove u oblasti šumarstva. Obzirom na naše dobre poslovne kontakte i upućenost na ovaj sektor, odlučili smo se za organizaciju specijalističkog privrednog sajma navedene tematike.

O SAJMU, IZLAGAČIMA I POSJETITELJIMA!

Osnovna zamisao sajma je susret proizvođača strojeva za šumarstvo i privrednih subjekata koji eksploatišu i obrađuju drvo u bilo kojoj fazi obrade, radi razmjene iskustava i potencijalne buduće saradnje, kao i prodavača specijalističke opreme za radnike u šumarstvu, te finansijskih institucija radi eventualnog potencijalnog plasmana povoljnih kreditnih linija.

Glavni cilj sajma je povećanje svijesti o značaju šuma i korištenja obnovljivih izvora energije sa akcentom na proizvodnju bio mase u zaštiti čovjekove okoline kroz praćenje trendova u šumarstvu i drvnoj industriji.

Međunarodni sajam šumarstva i šumarskih strojeva „LIGNUM EXPO – LEB 2022“ na proljetnoj sajamskoj manifestaciji daće uvid u najnovija dostignuća u oblasti šumarske/drvne industrije, a poseban akcenat bit će dat na značaj zaštite šume i planske eksploatacije. Podjednako bitan doprinos sajam će dati i povećanju svijesti o zaštiti čovjekove okoline sa

aspekta obnovljivih izvora energije, sa naglaskom na drvenu sječku kao biomasu. Sajam će biti izložbeno – prodajnog karaktera sa prezentacijom rada strojeva na samom sajmištu po unaprijed utvrđenim terminima za prezentaciju, što ga čini prvim ovakvim sajmom na području JI Europe. Sajam će se održati na otvorenom, od 26. do 28. maja/svibnja 2022. godine u Gradačcu, Bosna i Hercegovina. Na sajmu se očekuje oko 20 inozemnih izlagača koji posluju u šumarskom sektoru u smislu proizvodnje opreme i strojeva za šumarstvo, kao što su: radni strojevi forwarderi (Ponsse, John Deere, Valmet), radni strojevi iverači za drvo/drobilica (Albach, Mus Max), radni traktori (TimberJack), kamioni šticari i schubboden/šuboden (za prijevoz sječke i biomase tj. rasutog tereta), šumske prikolice, vitla, žičare, automatske cjepare za drvo, bageri sa škarama za drvo, harvester za sjeću drveta, te drugi izlagači motornih pila, gusjenice, lanci za radne strojeve i dr.

Sajam će biti prilika da se zaposleni u svim segmentima drvne industrije iz Bosne i Hercegovine i regiona (Srbija, Crna Gora, Makedonija, Kosovo, Albanija) po prvi puta, na ovim prostorima, upoznaju i u živo, na sajmištu, vide demonstraciju i rad suvremenih strojeva neophodnih za razvoj šumarske djelatnosti. Samom posjetom sajmu posjetioci koji se bave šumarskom djelatnošću, te djelatnošću obrade drveta i proizvodnjom različitih proizvoda od drveta (pelet, daska, namještaj i sl.) imat će priliku da se na samom sajmištu, kroz tri sajamska dana, upoznaju sa navedenim proizvodima kroz neposrednu demonstraciju rada strojeva po tačno utvrđenom rasporedu predstavljanja i demonstracije strojeva, što potencijalno može dovesti do direktne kupovine proizvoda po sajamskim cijenama i sklapanja novih poslovnih partnerstava. Ostali posjetioci sajma će imati priliku da se upoznaju sa značajem zaštite šume, šta ona znači za ekosisteme, te zbog čega je važna i nužna sve veća zastupljenost bioenergije u svakodnevnom životu.

Obzirom da se radi o drvnjoj biomasu, a samim tim i o obnovljivim izvorima energije, na sajmu će učešće uzeti i drugi privredni subjekti koji u svom poslovnom portfoliju imaju obnovljive izvore energije i zaštitu čovjekove okoline.

Tokom tri sajamska dana, bit će predstavljeni svi izlagači, sa rasporedom demonstracije strojeva, a upriličit će se i predavanja na teme obnovljivih izvora energije, drvne biomase, značaju šuma i zaštiti čovjekove okoline. U tom smislu će svoj angažman na sajmu uzeti i akademska zajednica iz navedene oblasti, prvenstveno Šumarski fakultet Univerziteta u Sarajevu.

TKO SAJAM PODRŽAVA?

Sajam podržavaju svi nivoi vlasti u Bosni i Hercegovini: Vlada Federacije BiH i Vlada Tuzlanskog kantona čiji premijeri će i otvoriti sajam, resorna ministarstva: Federalno ministarstvo poljoprivrede, vodoprivrede i šumarstva i Ministarstvo poljoprivrede, šumarstva i vodoprivrede Tuzlanskog kantona, akademska zajednica: Šumarski fakultet Univerziteta u Sarajevu, privredne komore: Privredna/gospodarska komora Federacije BiH i Kantonalna privredna komora Tuzla, turističke zajednice: Turistička zajednica Tuzlanskog kantona i Turistička zajednica Grada Gradačac. Sajam je podržan i od strane mass medija: Federalna televizija, Radio televizija Tuzlanskog kantona, Radio Gradačac, te elektronski mediji.

Vašu prijavu za posjetu Sajmu molimo da potvrdite popunjavanjem **Prijavnog obrasca** koji je u prilogu, te da isti prosljedite na e-mail: lignumbiomasagradačac@gmail.com.

Također budite slobodni kontaktirati nas za sva dodatna pitanja i nejasnoće na kontakt brojeve:

+387 35/816-108	Ured “Lignum biomasa” d.o.o. Gradačac
+387 61/400-016	Suada Hećimović, koordinatorica sajamskih aktivnosti i pravna savjetnica “Lignum biomasa” d.o.o. Gradačac
+387 61/601-978	Petra Gorički, prokurista bez ograničenja ovlaštenja u “Lignum biomasa” d.o.o. Gradačac
+387 61/195-919	Samir Hećimović – direktor ekonomskih i finasijskih poslova u “Lignum biomasa” d.o.o. Gradačac

Tačnu satnicu sajamskih aktivnosti dostavit ćemo Vam nakon prijema Vašeg Prijavnog obrasca.

Vidimo se na Sajmu!

Koordinatorica sajamskih aktivnosti

Suada Hećimović



PRIJAVNI OBRAZAC ZA POSJETITELJE

PODACI O POSJETITELJU

Naziv posjetitelja	
Adresa/sjedište posjetitelja	
Osoba za kontakt	
Tel. Mob.	
ID broj	
E-mail	
Broj posjetilaca	
Naručujemo:	<input type="checkbox"/> Ulaznice _____ komada <input type="checkbox"/> Smještaj/noćenje za _____ dana i _____ osoba <input type="checkbox"/> Rent-a-car usluge <input type="checkbox"/> Taxi usluge

Napomena: Cijena ulaznice za 3 sajamska dana iznosi 20,00 KM/10,00 Eur za jednog posjetitelja. U slučaju potrebe za rezervacijom smještaja, rent-a-car i taxi usluga, kao i eventualno drugih usluga koje ovdje nisu navedene, molimo dodatne informacije o potrebama za istima, kako bismo Vam ih mogli blagovremeno osigurati. Organizator Sajma je sa hotelijerima ugovorio promotivne sjamske cijene smještaja, o čemu ćemo Vam informaciju dati na upit.

Potpisom i ovjerom ove prijave neopozivo naručujemo ulaznice i odabrane usluge.

Datum: _____

POSJETITELJ:
